



MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN COA ASOCIACIÓN CAMIÑOS A SANTIAGO POLA RIBEIRA SACRA

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeas, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeas e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

Esta a Asociación Camiños a Santiago pola Ribeira Sacra ten entre os seus fins:

- O estudo e divulgación do Camiño Sur
- A análise e promoción dos recursos artísticos, históricos e culturais da zona por onde transcorre o Camiño
- A defensa desta ruta como alternativa aos camiños mais divulgados e polo tanto mais frecuentados da provincia e o seu recoñecemento como ruta xacobeas

E desenvolve, entre outras, as seguintes actividades: cursos, seminarios e conferencias que sigan documentando a existencia do Camiño, coas suas posibles variantes, dando a coñecer os resultados obtidos; sinalización e limpeza do Camiño, con implicación dos Concellos, para a súa conservación e posta en valor; recorridos polas distintas etapas definidas na Ruta; promocionar esta Ruta como itinerario dentro da Ribeira Sacra mediante a publicación de folletos, libros, vídeos, páxinas web, etc.

A recente declaración oficial do Camiño de Inverno Camiño de Santiago, establecido pola nova Lei de Patrimonio Cultural de Galicia, froito do labor que esta Asociación leva realizando dende a súa fundación, necesita a celebración de diversos actos para conmemorar este acontecemento. En concreto se pretende organizar unhas Xornadas co seguinte programa:

- * Inauguración das Xornadas



- * Relatorio: “Presentación do Camiño de Inverno. Recuperación desta ruta xacobeas ata lograr a oficialidade” por Aida Menéndez Lorenzo, Presidenta da Asociación Camiños a Santiago pola Ribeira Sacra.
- * Relatorio: “Os centros de acollida e interpretación e a documentación xacobeas” por Angel Luis Barreda, Presidente da Asociación de Amigos del Camino de Santiago de Palencia
- * Relatorio: “A Federación Española de Asociaciones de Amigos del Camino de Santiago: o seu labor de aglutinamiento e difusión do Camiños a Santiago” por Presidente da Federación Española de Asociaciones de Amigos del Camino de Santiago.
- * Relatorio “A credencial do peregrino e a literatura odeopórica nos Camiños de Santiago”, pendente de confirmación
- Pausa para xantar
- * Visita guiada polo conxunto de San Vicente do Pino en Monforte de Lemos.
- * Misa do peregrino
- * Concerto na igrexa de San Vicente do Pino (Monforte de Lemos)

Outras das actuacións que esta Asociación pretende acometer é a tradución ao inglés do libro “Guía Camino de Inverno a Santiago” editada en español en 2014 e para contribuír á difusión deste novo itinerario xacobeo. Con esta publicación a Asociación, pretende unha maior visualización do Camiño e da cultura xacobeas, en consecuencia, de Galicia, pois o Camiño de Santiago é un conxunto de itinerarios históricos de impacto cultural e económico de primeiro orde cuxa meta, en todos os casos, é Galicia.

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago, instaladas tanto dentro coma fóra do territorio galego converteuse, co paso dos anos, nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuindo cada ano, nos cinco continentes, milleiros de credenciais, folletos informativos, etc., que teñen en todos os casos a Galicia como meta. Como é fácil comprobar en decenas de webs e redes sociais realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Manter esta colaboración coas Asociacións é fundamental para asegurar o fluxo de peregrinos xa que o espazo físico do Camiño, tanto na historia como no presente, ten unha dimensión que transcende o ámbito galego, español e europeo. Así queda acreditado no número de peregrinos que cada ano acoden a Compostela, obxectivo ao que colaborará a edición en inglés desta guía do Camiño de Inverno que se inclúe neste convenio.

Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas Asociacións de Amigos do

Camiño de Santiago que ten encomendadas esta Sociedade Anónima, non sendo posible promover a concorrência pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratégico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.
- Realízase a difusión e promoción do Camiño de Santiago
- Se contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- A Asociación conta cunha ampla experiencia que garante a súa capacidade técnica, organizativa e de xestión para levar a cabo o proxecto a realizar.
- O apoio a esta Asociación redunda de maneira efectiva na conservación, recuperación e difusión do Camiño de Santiago e da cultura xacobeá especialmente nas provincias de Lugo e Ourense que percorre este itinerario

b/ criterios específicos:

- A Asociación Caminos a Santiago pola Ribeira Sacra posúe un número socios en torno ás 200 de persoas espalladas por ese territorio.
- A implantación da Asociación no territorio central de Galicia está moi consolidada. O seu labor de conservación e sinalización do Camiño nese territorio é amplamente recoñecido.
- Esta Asociación co seu amplo labor e coas súas numerosas actividades contribúe notablemente á dinamización deste novo Camiño de Santiago, declarado neste mesmo ano 2016, polo que calquera actuación no mesmo significa impulsar a súa consolidación como ruta de peregrinación.
- A edición da guía do Camiño de Inverno en inglés posibilitará unha promoción internacional máis ampla desta nova ruta do Camiño de Santiago.

O orzamento da actividade a financiar ao abeiro deste convenio é o seguinte:

Concepto	Importe
Xornada	
a/ 4 conferenciantes (estancia, manutención, dietas de viaxe e custe conferencia a 400 euros x 4)	1.600,00
b/ Actuación musical	400,00



c/Cartelería300	300,00
Total xornada	2.300,00
Publicación da Guía do Camiño de Inverno en inglés	
a/ tradución	2.300,00
b/ Maquetación	300,00
c/ Impresión de 500 guías	2.063,00
Total guía	4.663,00
Total	6.963,00

A S.A. de Xestión do Plan Xacobeo aboará a cantidade de 4.855,00 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo 5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscripción deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente